

竹管賦出於周禮正經閱其程試之文多是不知本末  
乃知唐試進士許挾書及見燭如此國朝淳化三年  
太宗試進士出卮言日出賦題孫何等不知所出相率  
扣殿檻乞 上指示之 上為陳大義景德二年  
御試天道猶張弓賦後禮部貢院言近年進士惟鈔畧  
古今文賦懷挾入試昨者御試以正經命題多懵所出  
則知題目不示以出處也大中祥符元年試禮部進士  
內出清明象天賦等題仍錄題解摹印以示之至景祐  
元年始詔御藥院御試日進士題目具經史所出摹印  
給之更不許上請

### 儒人論佛書

韓文公送文暢序言儒人不當舉浮屠之說以告僧其  
語云文暢浮屠也如欲聞浮屠之說當自就其師而問  
之何故謂吾徒而來請也元微之作永福寺石壁記云  
佛書之奧妙僧當為予言予不當為僧言二公之語可  
謂至當

### 和歸去來

今人好和歸去來辭予最敬晁以道所言其答李持國  
書云足下愛淵明所賦歸去來辭遂同東坡先生和之  
僕所未喻也建中靖國間東坡和歸去來初至京師其

門下賓客從而和者數人皆自謂得意也陶淵明紛然  
一日滿人目前矣參寥忽以所和篇示予率同賦予謝  
之曰童子無居位先生無並行與吾師共推東坡一人  
於淵明間可也參寥即索其文袖之出吳音曰罪過公  
悔不先與公話今輒以厚於參寥者為予言昔大宋相  
公謂陶公歸去來是南北文章之絕唱五經之鼓吹近  
時繪畫歸去來者皆作大聖變和其辭者如即事遣興  
小詩皆不得正中者也

四海一也

海一而已地之勢西北高而東南下所謂東北南三海  
其實一也北至於青滄則云北海南至於交廣則云南  
海東漸吳越則云東海無由有所謂西海者詩書禮經  
所載四海蓋引類而言之漢西域傳所云蒲昌海疑亦  
溇居一澤爾班超遺甘英往條支臨大海蓋即南海之  
西云

李太白

世俗多言李太白在當塗采石因醉泛舟於江見月影  
俯而取之遂溺死故其地有捉月臺予按李陽冰作太  
白草堂集序云陽冰試然歌於當塗公疾亟草藁萬卷  
手集未修枕上授簡俾為序又李華作太白墓誌亦云

賦臨終歌而卒乃知俗傳良不足信蓋與謂杜子美因食白酒牛炙而死者同也

### 太白雪讒

李太白以布衣入翰林既而不得官唐史言高力士以脫鞵為恥摘其詩以激揚貴妃為妃所沮止今集中有雪讒詩一章大率載婦人淫亂敗國其略云彼婦人之猖狂不如鵠之彊彊彼婦人之媿昏不如鷄之奔奔坦蕩君子無悅箏言又云妃已滅紂褒女惑周漢祖呂氏食其在傍秦皇太后毒赤溲蒸蟪蝮作昏遂掩太陽意乘尚爾匹夫何傷詞端意窮心切理直如或妄談昊天是殛予味此詩豈非貴妃與祿山淫亂而白曾發其姦乎不然則飛燕在昭陽之句何足深怨也

### 冉有問衛君

冉有曰天子為衛君乎子貢曰吾將問之子曰伯夷叔齊何人也曰古之賢人也曰怨乎曰求仁而得仁又何怨出曰夫子不為也說者皆評較蒯瞶輒之是非多至數百言惟王逢原以十字蔽之曰賢兄弟讓知惡父子爭矣最為簡妙蓋夷齊以兄弟讓國而夫子賢之則不與衛君以父子爭國可知矣晁以道亦有是語而結意不同尹彥明之說與逢原同唯楊中立云世之說者以

謂善兄弟之讓則惡父子之爭可知矣其旨矣其意為不可曉

### 商頌

宋自微子至戴公禮樂廢壞正考甫得商頌十二篇於周之太師後又亡其七至孔子時所存才五篇爾宋商王之後也於先代之詩如是則其它可知夫子所謂商禮吾能言之宋不足證也蓋有歎於此祀以夏后之裔至於用夷禮尚何有於文獻哉郊國小於祀宋少昊氏遠於夏商而鳳鳥名官郊子枚數不忘曰吾祖也我知之其亦賢矣

### 俗語有所本

俗語謂錢一貫有疇曰千一千二米一碩有疇曰碩一碩二長一丈有疇曰丈一丈二之類按考工記及長尋有四尺注云八尺曰尋及長丈二史記張儀傳尺一之檄漢淮南王安書云丈一之組匈奴傳尺一續後漢尺一詔書唐城南去天尺五之類然則亦有所本云

### 鄱陽學

鄱陽學在城外東湖之北相傳以為范文正公作郡守時所創予攷國史范公以景祐三年乙亥歲四月知饒州四年十二月詔自今頒澤鎮乃得立學他州勿聽是

月苑公移潤州余襄公集有饒州新建州學記實起於慶曆五年乙酉歲其郡守曰都官負外郎張君其略云先是郡先聖祠宮棟宇隳剝前守亦嘗相土而未遑締治於是即其基於東湖之北偏而經營之浮梁人金君卿即中作郡學莊田記云慶曆四年春詔郡國立學時守都官副郎張侯譚始營之明年學成與余公記合范公在饒時延君卿置館舍使公有意建學記中豈無一言及之蓋是時公既為執政去郡十年矣所謂前守相土者不知為何人

### 國忌休務

刑統載唐大和七年勅准令國忌日唯禁飲酒舉樂至於科罰人吏都無明文但緣其日不合釐務官曹即不得決斷刑獄其小小官責在禮律固無所妨起今以後縱有此類臺府更不要舉奏舊唐書載此事因御史臺奏均王傳王堪男國忌日於私第科決作人故降此詔蓋唐世國忌休務正與私忌義等故雖刑獄亦不決斷謂之不合釐務者此也今在京百司唯雙忌作假以其拜跪多又晝漏已數翻單忌獨三省歸休耳目司坐曹決獄與常日亡異視古誼為不同元微之詩云縛還推囚名御史狼藉囚徒滿田地明日不推綠國忌又可證

也

### 漢昭順二帝

漢昭帝年十四能察霍光之忠知燕王上書之詐誅桑弘羊上官桀後世稱其明然和帝時竇憲兄弟專權太后臨朝共圖殺害帝陰知其謀而與內外臣僚莫由親接獨知中常侍鄭眾不事豪黨遂與定議誅憲時亦年十四其剛決不下昭帝但范史發明不出故後世無稱焉順帝時梁商為大將軍輔政商以小黃門曹節用事恭中遣子冀與交友而宦官忌其寵反欲害之中常侍張達遂政楊定等與左右連謀共譖商及中常侍曹騰

孟賁云欲議廢立請叔商等按罪帝曰大將軍父子我所親騰賁我所愛必無是但汝曹共妒之耳達等知言不用遂出矯詔收縛騰賁帝震怒收達等殺之此事尤與昭帝相類霍光忠於國而為子禹覆其宗恩於國而為子冀覆其宗又相似但順帝復以政付冀冀明非昭帝比故不為人所稱

### 三女后之賢

王莽女為漢平帝后自劉氏之廢常稱疾不朝會莽敬憚傷哀欲嫁之后不肯及莽敗后曰何面目以見漢家自投火中而死楊堅女為周宣帝后知其父有異圖意

頗不平形於言色及禪位憤惋逾甚堅內甚愧之欲奪其志后誓不許乃止李昇女為吳太子璉妃昇既篡吳封為永興公主妃聞人呼公主則流涕而辭三女之事畧同可畏而仰彼為其父者安所置愧乎

賢父凡子弟

宋謝晦為右衛將軍權遇已重自彭城還都迎家賓客輻湊兄瞻驚駭曰汝名位未多而人歸趣乃爾此豈門戶之福邪乃以籬隔門庭曰吾不忍見此又言於宋公裕特乞降黜以保衰門及晦立佐命功瞻意憂懼遇病不療而卒晦果覆其宗顏竣於孝武有功貴重其父延

之常語之曰吾平生不喜見貴人今不幸見汝嘗早詣竣見賓客盈門竣尚未起延之起曰汝出糞土之中外雲霞之上覆蟠若如此其能久矣竣竟為孝武所誅延之瞻可謂賢父乎且瞻高類所為僕射其母戒之曰汝富貴已極何自一語覆爾由是常恐禍變及罷免為民歡然無恨也後亦不免為馬帝所誅唐潘孟陽為侍郎即年未四十母曰以爾之材而位至此即使吾愛之嚴武卒母哭曰而今而後吾知免夫為官婢三者可謂賢母矣褚淵助蕭道成篡宋為齊淵從弟紹謂淵子貴曰不知汝家司空將一家物與一家亦復何謂及淵為

司徒紹歎曰門戶不幸乃復有今日之拜淵乎世子貴  
恥其父矣節服除遂不仕以爵與其弟居終身齊王  
晏助明帝奪國僕身思遠曰兄將來何以自立若及此  
引決猶可保全門戶及拜驃騎將軍集會子弟謂思遠  
兄思微曰隆昌之末阿戎勸吾自裁若從其語豈有今  
日思遠曰如阿戎所見今猶未晚也晏歎曰世乃有勸  
人死者晏果為明帝所誅紹貴思遠可謂賢子弟矣

蔡君謨帖

蔡君謨一帖云襄嘗之為諫臣與今之為詞臣一也為  
諫臣有言責世人自見跡今無是焉世人見親襄之於

人未始異之而人之觀故有以異也觀此帖乃知昔時  
居臺諫者為人所踈如此今則反是方為此官時其門  
揮汗成雨一徙它局可張爵羅風俗媮薄甚矣又有送  
荔枝與昭文相公一帖云襄再拜宿來伏惟台候起居  
萬福閩中荔枝唯陳家紫號為第一輒獻左右以伸野  
芹之誠幸賜收納謹奉手狀上聞不宣襄上昭文相公  
閣下是時侍從與宰相往還其禮蓋如是今之不情苛  
禮吁可厭哉

親王與

神宗有御筆一紙乃為親王時封還李受門狀者狀云



右諫議大夫天章閣待制兼侍講李受起居皇子大王  
而其外封題曰台銜回納下云皇子忠武軍節度使檢  
校太尉同中書門下平章事上柱國潁王名謹封名乃  
親書其後受之子履以黃緞進故藏于顯謨閣先公得  
之於燕始知國朝故事親王與從官往還其禮如此

### 三傳記事

秦繆公襲鄭晉納邾捷留三傳所書略相似左氏書秦  
事曰杞子自鄭告于秦曰潛師以來國可得也繆公訪  
諸蹇叔蹇叔曰勞師以襲遠非所聞也且行千里其誰  
不知公辭焉召孟明出師蹇叔哭之曰孟子吾見師之出

而不見其入也公曰爾何知中壽爾墓之木拱矣蹇叔  
之子與師哭而送之曰晉人禦師必於穀穀有二陵焉  
必死是間余收爾骨焉秦師遂東公羊曰秦伯將襲鄭  
百里子與蹇叔子諫曰千里而襲人未有不亡者也秦  
伯怒曰若爾之年者宰上之木拱矣爾曷知師出百里  
子與蹇叔子送其子而戒之曰爾即死必於穀穀嚴吾  
將尸爾焉子捐師而行百里子與蹇叔子從其子而哭  
之秦伯怒曰爾曷為哭吾師對曰臣非敢哭君師哭臣  
之子也穀梁曰秦伯將襲鄭百里子與蹇叔子諫曰千  
里而襲人未有不亡者也秦伯曰子之墓木已拱矣何

知師行百里子輿蹇叔子送其子而戒之曰女死必於  
穀之巖陰之下我將尸女於是師行百里子輿蹇叔子  
隨其子而哭之秦伯怒曰何為哭吾師也二子曰非敢  
哭師也哭吾子也我老矣彼不死則我死矣其書邾事  
左氏曰邾文公元妃齊姜生定公二妃晉姬生捷菑文  
公卒邾人立定公捷菑奔晉晉趙盾以諸侯之師八百  
乘納之邾人辭曰齊出獲且長宣子曰辭順而弗從不  
祥乃還公羊曰晉卻缺帥師革車八百乘以納捷菑于  
邾婁力沛然若有餘而納之邾婁人辭曰捷菑晉出也  
獲且齊出也子以其指則捷菑也四獲且也六子以大  
國壓之則未知齊晉孰有之也昔則昔責矣雖然獲且  
也長卻缺曰非吾力不能納也義實不爾克也引師而  
去之穀梁曰長穀五百乘繇地千里過宋鄭滕薛魯入  
于乘之國欲變人之主至城下然後知何知之晚也捷  
菑晉出也獲且齊出也獲且正也捷菑不正也予謂秦  
之事穀梁紆餘有味邾之事左氏語簡而切欲為文記  
事者當以是觀之

張嘉貞

唐張嘉貞為并州長史天兵軍使明皇欲相之而忘其  
名詔中書侍郎韋執曰朕嘗記其風操今為北方大將

張姓而復名卿為我思之抗曰非張齊立乎今為朔方節度使帝即使作詔以為相夜聞大臣表疏得嘉貞所獻遂相之議者謂明皇欲大用人而鹵莽若是非得嘉貞表疏則誤相齊立矣予攷其事大為不然按開元八年嘉貞為相而齊立以天寶八載始為朔方節度相去三十年安得如上所云者又是時明皇臨御未久方厲精為治不應置相而不審其名位蓋鄭震誨所著明皇雜錄妄載其事史家誤采之也資治通鑑亦不取云

張九齡作牛公碑

張九齡為相明皇欲以涼州都督牛仙客為尚書執不可曰仙客河隍一使也耳擢自胥吏日不知書陛下必用仙客臣實耻之帝不悅因是遂罷相觀九齡集中有贈涇州刺史牛公碑蓋仙客之父譽之甚至云福善莫大於有後仙客為國之良用商君耕戰之國修文國堯胡之具出言可復所計而然邊捍長城主恩前席正稱其在涼州時與坊諫止尚書事亦才一年然則與仙客非有夙嫌特為公家忠計耳

唐人告命

唐人重告命故顏魯公自書告身今猶有存者書述集賢注記一事尤著漫載于此開元二十三年七月制

加皇子榮王已下官爵令宰相及朝官工書者就集賢院寫告身以進於是宰相張九齡裴耀卿李林甫朝士蕭太師高李尚書高崔少保琳陳黃門希烈嚴中書挺之張兵部均韋太常陟褚諫議庭誨等十三人各寫一通裝縹進內上大悅賜三相絹各三百匹餘官各二百匹以唐書考之是時十三王並授開府儀同三司詔詣東宮尚書省上日百官集送有司供張設祭悉拜王府官屬而不書此事

典章輕廢

典章故事有一時廢革遂不可復者後守銅魚之制新除刺史給左魚到州取州庫右魚合契周顯德六年詔以特降制書何假符契遂廢之唐兩省官上事宰臣送上四相共坐一榻各摺隅謂之押魚晉天福五年勅廢之

容齋五筆

二



臺灣國家圖書館, NATIONAL CENTRAL LIBRARY, TAIWAN, R.O.C.

丙子

容齋隨筆卷第四十三則

張浚休書

張芸叟與石司理書云頃游京師求謁先達之門每聽  
歐陽文忠公司馬溫公至荆公之論於行義文史為多  
唯歐陽公多談吏事既久之不免有請大凡學者之見  
先生莫不以道德文章為欲聞者今先生多教人以吏  
事所未論也公曰不然吾子皆時才異日臨事當自知  
之大抵文學止於潤身政事可以及物吾昔貶官夷陵  
方壯年未厭學欲求漢史一觀公私無有也無以遣日  
因取架閣陳年公案反覆觀之見其枉直乖錯不可勝

容齋隨筆卷第四十三則

臺灣國家圖書館, NATIONAL CENTRAL LIBRARY, TAIWAN, R.O.C.

數以無為有以枉為直遠法徇情戒親害義無所不有  
且夷陵荒遠禍小尚如此天下固可知也當時仰天誓  
心曰自爾遇事不敢忽也是時蘇明允父子亦在焉嘗  
聞此語又有荅孫子發書多論資治通鑑其略云温公  
嘗曰吾作此書唯王勝之嘗閱之終篇自餘君子求乞  
欲觀讀未終紙已欠伸思睡矣書十九年方成中間受  
了人多少語言陵藉云云此兩事士大夫罕言之淳休  
集百卷無此二篇今豫章所刊者附之集後

温公客位榜

司馬温公作相日親書榜藁揭于客位曰訪及諸君若

朝政闕遺庶民疾苦欲進忠言者請以奏牘聞於朝  
廷。光得與同僚商議擇可行者進呈取旨行之。若但以  
私書寵諭終無所益。若光身有過失欲賜規正即以通  
封書簡分付吏人令傳入。光得內自省訟佩服改行。至  
於整會官職差遣。理雪罪名。凡干身計並請一面進狀。  
光得與朝省衆官公議施行。若在私第垂訪不請語及  
某再拜咨白乾道九年公之曾孫伋出鎮廣州道過顛  
獲觀之。

李頎詩

歐陽公好籍誦唐嚴維詩柳塘春水慢花塢夕陽遲及

楊衡竹徑通幽處禪房花木深之句以爲不可及予純  
喜李頎詩云遠客坐長夜雨聲孤却秋請量東海水看  
取淺深愁且作客涉遠適當窮秋暮投孤村古寺中夜  
不能寐起坐淒惻兩聞簷外雨聲其爲一時襟抱不古  
可知而此兩句十字中盡其意態海水喻愁非過語也

詩中用茱萸字

劉夢得云詩中用茱萸字者凡三人杜甫云醉把茱萸  
子細看王維云遍插茱萸少一人朱放云學他年少插  
茱萸三君所用杜公爲優予觀唐人七言用此者又十  
餘家漫錄于後王昌齡茱萸插鬢花宜壽戴叔倫插鬢

茱萸來未盡盡綸茱萸一朵映華簪權德輿酒泛茱萸  
晚易曛白居易舞鬟灑落茱萸房茱萸色淺未經霜楊  
衡強插茱萸隨衆人張諤茱萸凡作幾年新取漳髮希  
那敢插茱萸劉商郵筒不鮮獻茱萸崔櫓茱萸冷吹溪  
口香周賀茱萸城裏一尊前比之杜句真不侔矣

鬼宿度河

宋蒼梧王當七夕夜令楊玉夫伺織女度河曰見當報  
我不見當殺汝錢希白洞微志載蘇德哥爲徐肇祀其  
先人曰當夜半可已蓋俟鬼宿度河之後翟公巽作祭  
儀十卷云或祭於昏或祭於旦皆非是當以鬼宿渡河



為候而鬼宿渡河常在中夜必使人仰占以候之葉少  
蘊云公異博學多聞援證皆有据不肯碌碌同衆所見  
必過人予察天上經星終古不動鬼宿隨天西行昏昏  
見於南夏晨見於東秋夜半元於東冬昏見於東安有  
所謂渡河及常在中夜之理蓋女昏晨與鬼宿正相反  
其理則同蒼梧王荒悖小兒不足笑錢瞿葉一公皆名  
儒碩學亦不深攷如此杜詩云牛女漫愁思秋期猶渡  
河牛女年年度何曾風浪生示劉孝儀詩云欲待黃昏  
至今嬌淺渡河唐人七夕詩出有此說此自是牽俗遺  
詞之過故杜老又有詩云牽牛出河西織女處其東萬  
古永相望七夕誰見同神光竟難候此事終蒙隴蓋自  
洞曉其實非它人比也

府名軍額

雍州軍額曰永興府曰京兆而守臣以知永興軍府事  
兼京兆府路安撫使結銜鎮州軍額曰成德府曰真定  
而守臣以知成德軍府事兼真定府路安撫使結銜政  
和中始正以府額為稱荆州軍額曰荆南府曰江陵而  
守臣則曰知荆南通判曰通判荆南自餘據幕縣官則  
曰江陵府淳熙四年始盡以江陵為稱孟州軍額曰河  
陽三城無府額而守臣曰河陽軍州事陝州無府額

而守臣因知陝州軍府事法今行移亦曰陝府

### 馬融皇甫規

漢順帝時西羌叛遣征西將軍馬賢將十萬人討之武都太守馬融上疏曰賢處契留滯必有潰叛之變臣願請賢所不用關東兵五千裁假部隊之號盡力率厲三旬之中必克破之不從賢果與羌戰敗父子皆沒羌遂寇三輔燒園陵詔武都太守趙冲督河西四郡兵追擊安定上計掾皇甫規上疏曰臣比年以來數陳便宜羌戎未動策其將反馬賢出知其必敗願假臣屯列坐食之兵五千出其不意與冲共討首平土地山谷臣所

曉習不可煩方寸之印尺帛之賜可以將患帝不能用趙冲擊羌不利羌寇充斥凉部震恐冲戰死累年然後定案馬融皇甫規之言曉然易見而所請兵皆不過五千然訖不肯從乃知宣帝納用趙充國之冊為不易得所謂明主可為忠言也

### 孟蜀避唐諱

蜀本石九經皆孟昶時所刻其書猶世民三字皆缺畫蓋為唐高祖太宗諱也昶父知祥嘗為莊宗明宗臣然於存昶嗣源字乃不諱前蜀王氏已稱帝而其所立龍興寺碑言及唐諸帝亦皆平關乃知唐之澤遠矣

翰苑親近

白樂天渭村退居寄錢翰林詩叙翰苑之親近云時  
朝興慶春陪宴栢梁分庭皆命婦對院即儲皇貴主好  
浮動親王轡開裝金鈿相照耀朱紫間焚煇越簇桃  
騎歌巡竹葉觴窪銀中貴帶昂黛內人粧賜楔東城下  
頒醕曲水傍樽壘分聖酒妓樂借仙倡蓋唐世宮禁與  
外廷不至相隔絕故杜子美詩戶外昭容紫袖垂雙  
御座引朝儀又云舍人退食收封事宮女開函近御筵  
而學士獨稱內相至於與命婦分庭見貴主冠服內人  
黛粧假仙倡以佐酒它司無此也

寧馨阿堵

寧馨阿堵晉宋間人語助耳後人但見王衍指錢云舉  
却堵物阿又山濤見衍曰何物老媪生寧馨兒今遂以  
阿堵為錢寧馨兒為佳兒殊不知也前輩詩語言少未  
無阿堵米雪相看有此君又家無阿堵物門有寧馨兒  
其意亦如此宋廢帝之母王太后疾篤帝不往視后怒  
謂侍者取刀來剖我腹那得生寧馨兒觀此豈得為佳  
額長康畫人物不點目睛曰傳神寫照正在阿堵中鑄  
言此處也劉真長談游淵源曰曰舍兒強學人作爾馨  
語又謂桓溫曰使君如馨地寧可關戰求勝王導與何

充語曰正自爾馨王恬撥王胡之手曰冷如鬼手馨有  
來捉人臂至今吳中人語言尚多用寧馨字為問猶言  
若何也劉夢得詩為問中華學道者幾人雄猛得寧馨  
蓋得其義以寧字作平聲讀

### 鳳毛

宋孝武嗟賞謝鳳之子超宗曰殊有鳳毛今人以子為  
鳳毛多謂出此按世世王劭風姿似其父導桓温曰大  
奴固自有鳳毛其事亦前與此不同

### 牛米

燕慕容詵以牛假貧民使佃燕中稅其什之八自有牛  
者稅其七參軍封裕諫以為魏晉之世假官田牛者不  
過稅其什六自有牛者中分之不取其七八也予觀今  
吾鄉之俗募人耕田十取其五而用主牛者取其六謂  
之牛米蓋晉法也

### 為文矜夸過實

文士為文有矜夸過實雖韓文公不能免如石鼓歌極  
道宣王之事備矣至云孔子西行不到秦倚櫛星宿遺  
我蟻匝儒編詩不收拾二雅編迫無交蛇是謂二百篇  
皆如星宿獨此詩如日月也二雅編迫之語尤非所宜  
言今世所傳石鼓之詞尚在豈能出言日車攻之右

知非經聖人所刪乎

送孟東野序

韓文公送孟東野序云物不得其平則鳴然其文云在唐虞時咎陶禹其善鳴者而假之以鳴夔假於韶以鳴伊尹鳴殷周公鳴周又云天將和其聲而使鳴國家之盛然則非所謂不得其平也

噴嚏

今人噴嚏不止者必嘍唾祝云有人說我婦人尤甚予素終風詩寤言不寐願言則嚏輔氏箋云寤則憂而不能寐思之則感傷氣閉而成疾也今俗人嚏云人道我此古之遺語也乃知此風自古以來有之

野史不可信

野史雜說多有得之傳聞及好事者緣飾故類多失實雖前輩不能免而士大夫頗信之姑撫 真宗朝三

事于左魏泰東軒錄云

真宗次澶淵語寇萊公曰

虜騎未退何人可守天雄軍公言參知政事王欽若退

即召王於行府諭以

上意授勅俾行王未及有言

公遽酌大白飲之命曰上馬盃且曰參政勉之回日即

為同列也王馳騎入魏越十一日虜退召為同中書門

下平章事或云王公數進疑詞於

上前故萊公因

事出之于案澶淵之役乃景德元年九月是時萊公為  
大相欽若為參政閏九月欽若判天雄二年四月罷政  
三年萊公罷相欽若復知樞密院至天禧旣相距景  
德初十四年其二事者沈括筆談云向文簡拜右僕射  
真宗謂學士李昌武曰朕自即位以來未嘗除僕射敏  
事應甚喜昌武退朝往候之門闌悄然明日再對  
上笑曰向敏中大耐官職存中自注云向公拜僕射年  
月未嘗考於國史因見中書記事天禧元年八月而是  
年二月王欽若亦加僕射予案 真宗朝自敏中之  
前拜僕射者六人呂端李沆王旦皆自宰相轉陳堯叟

以罷樞密使拜張齊賢以故相拜王欽若自樞密使轉  
及敏中轉右僕射與欽若加左僕射同口降制是時李  
昌武死四年矣昌武者宗諤也其三事者存中筆談又  
云時丁晉公從 真宗巡幸禮成詔賜輔臣玉帶時  
輔臣八人行在祗候庫止有七帶尚衣有帶謂之比玉  
價直數百萬 上欲以足其數公心欲之而位在七  
人之下度必不及已乃諭有司某自有小私帶可服候  
還京別賜可也既各受賜而晉公一帶僅如指闊  
上顧近侍速易之遂得尚衣御帶予按景德元年  
真宗巡幸西京大中祥符元年巡幸泰山四年幸河中

丁謂皆為行在三司使未登政府七年幸亳州謂始以參知政事從時輔臣六人王旦向敏中為宰相王欽若陳堯叟為樞密使皆在謂上謂之下尚有樞密副使馬知節即不與此說合且既為玉帶而又名比玉尤可笑魏秦無足論沈存中不應爾也

### 謗書

司馬遷作史記於封禪書中述武帝神仙鬼竈方士之事甚備故王允謂之謗書國朝景德祥符間治安之極王文穆陳文忠陳文僖丁晉公諸人造作天書符瑞以為固寵容悅之計及 有真宗上仙王沂公懼貽後世

譏議故請藏天書於梓宮以滅迹而實錄之成了文穆監脩其載崇奉宮廟祥雲芝鶴唯恐不詳遂為信史之累蓋與太史公謗書意異而實同也

### 王文正公

祥符以後凡天書禮文宮觀典冊祭祀巡幸祥瑞頌聲之事王文正公且實為參政宰相無一不預官自侍郎至太保公心知得罪於清議而固戀患失不能決去及其臨終乃欲削髮僧服以斂何所補哉魏野贈詩所謂西祀東封今已了好來相伴赤松游可謂君子愛人以德其箴戒之意深矣歐陽公神道碑悉隱而不書蓋不

可書也雖持身公清無一可議然特張禹孔光胡廣之  
流云

### 晉文公

晉公子重耳自狄適它國凡七衛成公曹共公鄭文公  
皆不禮焉齊威公妻以女宋襄公贈以馬齊成王享之  
秦穆公納之卒以得國衛曹鄭皆同姓齊宋秦楚皆異  
姓非所謂豈無他人不如同姓也晉文公卒未葬秦師  
伐鄭滅滑無預晉事晉先軫以為秦不哀吾喪而伐吾  
同姓背秦大惠使襄公墨衰經而伐之雖幸勝於穀終  
啓焚舟之戰兩國交兵不復修睦者數百年先軫是年  
死於狄至孫穀而誅滅天也

### 南夷服諸葛

蜀劉禪時南中諸郡叛諸葛亮征之孟獲為夷漢所服  
七戰七擒曰公天威也南人不復反矣蜀志所載止於  
一時之事國朝淳化中李順亂蜀招安使雷有終遣嘉  
州士人辛怡顯使於南詔至姚州其節度使趙公美以  
書來迎云當境有瀘水昔諸葛武侯成曰非負嚴征討  
不得輒渡此水若必欲過須致祭然後登舟今遣本部  
軍將齊金龍二條金錢二千文并設酒脯請先祭享而  
渡乃知南夷心服雖千年如初嗚呼可謂賢矣事見怡



顯所作雲南錄

二疏贊

作議論文字須考引事實無差忒乃可傳信後世東坡先生作二疎圖贊云孝宣中興以法馭人殺蓋韓揚蓋三良臣先生憐之取袂脫徒使知區區不足驕士其立意超卓如此然以其時考之元康三年二疎去位後二年蓋寬饒誅又三年韓延壽誅又三年楊惲誅方二疎去時三人皆亡恙蓋先生文如傾河不復效常人尋閱質寃也

李宓伐南詔

唐天寶中南詔叛劔南節度使鮮于仲通討之喪士卒六萬人楊國忠掩其敗狀仍叙其戰功時募兵擊南詔人莫肯應募國忠遣御史分道捕人連枷送詣軍所行者愁怨所在哭聲振野至十三載劔南留後李宓將兵七萬往擊南詔南詔誘之深入閉壁不戰宓糧盡士卒瘡痍及飢死什七八乃引還蠻追擊之宓被擒全軍皆沒國忠隱其敗更以捷聞益發兵討之此通鑑所記舊唐書云李宓率兵擊蠻於西洱河糧盡軍旋馬足陷橋為閻羅鳳所擒新唐書亦云宓敗死於西洱河子崇高適集中有李宓南征蠻詩一篇序云天寶十一載有詔

代西南夷丞相揚公兼節制之寄乃奏前雲南太守李  
德涉海自交趾擊之徼倭數萬里十二載四月至于長  
安君子是以知廟堂使能而李公効節予忝斯人之舊  
因賦是詩其略曰肅穆廟堂上深沉節制雄遂令感激  
士得建非常功鼓行天海外轉戰蠻夷中長驅大浪破  
急擊群山空餉道忽已遠縣軍垂欲窺野食掘田鼠  
饗兼燹僮收兵列亭候拓地彌西東瀘水夜可涉交州  
今始通歸來長安道召見甘泉宮其所稱述如此雖詩  
人之言未必皆實然當時之人所賦其事不應虛言則  
安益歸至長安未嘗敗死其年又非十三載也味詩中

掘鼠餐僮之語則知糧盡危急師非勝歸明甚

浮梁陶器

彭器資尚書文集有送許屯田詩曰浮梁巧燒荒顏色  
比瓊玖因官射利疾衆喜君獨不父老爭歎息此事古  
未有注云浮梁父老言自來作知縣不買荒器者一人  
君是也作饒州不買者一人今程少卿嗣宗是也惜乎  
不載許君之名

容齋隨筆卷第五

漢唐八相

蕭曹丙魏房杜姚宋為漢唐名相不待誦說然前六君子皆終于位而姚宋相明皇皆不過三年姚以二子及親吏受賂其罷猶有說宋但以嚴禁惡錢及疾負罪而妻訴不已者明皇用優人戲言而罷之二公終身不復用宋公罷相時年才五十八後十七年乃薨繼之者如張嘉貞張說源乾曜王駿宇文融裴光庭蕭嵩牛仙客其才可睹矣唯杜暹李元紘為賢亦清介澁澁自守者釋驥驥而不乘焉皇皇而更索可不惜哉蕭何且死所

推賢唯曹參魏丙同心輔政房杜每議事必曰非如賈  
莫能籌之姚崇避位為宋公有代唯賢知賢宜後人之  
莫及也

六卦有坎

易乾坤二卦之下繼之以屯蒙需訟師比六者皆有坎  
聖人防患備險之意深矣

晉之亡與秦隋異

自堯舜及今天下裂而復合者四周之末為七戰國秦  
合之漢之末分為三國晉合之晉之亂分為十餘國爭  
戰三百年隋合之唐之後又分為八九國本朝合之然

秦始皇一傳而為胡亥晉武帝一傳而為惠帝隋文帝  
一傳而為煬帝皆破亡其社稷獨本朝九傳百七十年  
乃不幸有靖康之禍蓋三代以下治安所無也秦晉隋  
皆相似然秦隋一亡即掃地晉之東雖曰牛繼馬後終  
為守司馬氏之祀亦百有餘年蓋秦隋毒流四海天實  
誅之晉之八王擅兵尊后盜政皆本於惠帝昏蒙非得  
罪於民故其亡也與秦隋獨異

上官桀

漢上官桀為未央廡令武帝嘗體不安及愈見馬馬多  
瘦上大怒令以我不復見馬邪欲下吏桀頓首曰臣聞

聖體不安、日夜憂懼、意誠不在馬言、未卒泣數行下、上以爲忠、由是親近、至於受遺詔、輔少主、義縱爲右內史、上幸鼎湖、病久已而卒起、幸甘泉道、不治、上怒曰、縱以我爲不行此道乎、銜之、遂坐以它事、棄市、二人者其始獲罪一也、桀以一言之故、超用而縱及誅、可謂幸不幸矣。

金日磾

金日磾沒入宮、輸黃門養馬、武帝游宴見馬、後宮滿側、日磾等數十人牽馬過殿下、莫不竊視、至日磾獨不敢、日磾容貌甚嚴、馬又肥好、上奇焉、即日拜爲馬監、後受遺輔政、日磾與上官桀皆因馬而受知、武帝之取人、可謂明而不遺矣。

漢宣帝忌昌邑王

漢發昌邑王賀而立宣帝、賀居故國、帝心內忌之、賜山陽太守張敞書、戒以謹備、盜賊敬條奏賀居處、著其發亡之効、上知賀不足忌、始封爲列侯、先武廢太子、彊爲東海王、而立顯宗、顯宗即位、待彊彌厚、宣顯皆雜霸道、治尚剛嚴、獨此事顯優於宣多矣。

平津侯

公孫平津本傳稱其意思內深、殺主父、偃徒董仲舒皆

其力然其可稱者兩事武帝置蒼海朔方之郡平津數諫以爲罷弊中國以奉無用之地願罷之上使朱買臣等難之乃謝曰山東鄙人不知其便若是願罷西南夷專奉朔方上乃許之卜式上書願輸家財助邊蓋迎合主意上以語平津對曰此非人情不執之臣不可以爲化而亂法願勿許乃罷式當武帝好大喜功而能如是焉之後世足以爲賢相矣惜不以式事載本傳中

### 韓信周瑜

世言韓信伐趙趙廣武君請以奇兵塞井陘口絕其糧道成安君不聽信使間人窺知其不用廣武者策還報則大喜乃敢引兵遂下遂勝趙使廣武計行信且成禽信蓋自言之矣周瑜拒曹公於赤壁部將黃蓋獻火攻之策會東南風急悉燒操舡軍遂敗使天無大風黃蓋不進計則瑜未必勝是一說者皆不善觀人者也夫以韓信敵陳餘猶以猛虎當羊豕爾信與漢王語請北舉燕趙正使井陘不得進必有它奇策矣其與廣武君言曰向使成安君聽子計僕亦禽矣蓋謙以求言之詞也方孫權問計於周瑜瑜已言操冒行四惠將軍禽之軍在今日劉備見瑜恨其兵少瑜曰此自足用豫州但觀瑜破之正使無火攻之說其必有以制勝矣不然何以

馬信瑞

漢武賞功明白

衛青為大將軍霍去病為校尉以功封侯青失兩將軍亡翕侯功亦多不益封其後各以五萬騎深入去病益封五千八百戶裨校封侯益邑者六人而青不得益封吏卒無封者武帝賞功必視法如何不以貴賤為高下其明白如此後世處此必曰青久為上將俱出塞致命正不厚賞亦當有以尉其心不然它日無以使人蓋失之矣

周召房柱

召公為保周公為師相成王為左右觀此一相則刑措四十年頌聲作于下不言可知唐正觀三年二月房玄齡為左僕射杜如晦為右僕射魏徵參預朝政觀此三相則三百年基業之盛槩可見矣

三代書同文

三代之時天下書同文故春秋左氏所載人名字不以何國大抵皆同鄭公子歸生魯公孫歸父蔡公孫歸生楚仲國齊析歸父皆字子家楚成嘉鄭公子嘉皆字子孔鄭公孫段印段宋楮師段皆字子右鄭公子喜朱樂喜皆字子罕楚公子黑肱鄭公孫黑孔子弟子狄黑皆

字子皙魯公子鞏鄭公孫揮皆字子羽邾子克楚闔克  
周王子克宋司馬之臣克皆字曰儀晉籍偃荀偃鄭公  
子偃吳言偃皆字曰游晉羊舌赤魯公西赤皆字曰華  
楚公子側魯孟之側皆字曰友魯冉耕宋司馬耕皆字  
曰牛顏無繇仲由皆字曰路

### 周世中國地

成周之世中國之地最狹以今地里考之吳越楚蜀閩  
皆為蠻淮南為羣舒秦為戎河北真定中山之境乃鮮  
虞肥鼓國河東之境有赤狄甲氏留吁鐸辰潞國洛陽  
為王城而有揚拒泉皋蠻氏陸渾伊雒之戎京東有萊  
牟介莒皆夷也杞都雍丘今汴之屬邑亦用夷禮邾邾  
於魯亦曰夷其中國者獨晉衛齊魯宋鄭陳許而已通  
不過數十州蓋於天下特五分之一耳

### 李後主梁武帝

東坡書李後主去國之詞云景是蒼皇辭廟曰教坊猶  
奏別離歌揮淚對宮娥以為後主失國當慟哭於廟門  
之外謝其民而後行乃對宮娥聽樂形於詞曰予觀梁  
武帝啓侯景之禍塗炭江左以致覆亡乃曰自我得之  
自我失之亦復何恨其不知罪已亦甚矣竇嬰救灌夫  
其夫人諫正之曼白侯自我得之自我損之無所恨梁



武用此言而非也

詩什

詩二雅及頌前三卷題曰某詩之什陸德明釋云歌詩之作非止一人篇數既多故以十篇編為一卷名之為什今人以詩為篇什或稱譽他人所作為佳什非也

易舉正

唐蘇州司戶郭京有周易舉正三卷云曾得王輔嗣韓康伯李鳳注定傳授真本比抄今世流行本及國學鄉貢舉人等本或將經入注用注作經小象中間以下句反居其上爻辭注內移後義却處於前兼有脫遺兩字

顛倒謬誤者並依定本舉正其訛凡一百三節今略取其明白者二十處載於此坤初六履霜堅冰至象曰履霜陰始凝也馴致其道至堅冰也今本於象文霜字下誤增堅冰二字屯六三象曰即鹿無虞何以從禽也今本脫何字師六五田有禽利執之无咎元本之字行書向下引脚稍類言字轉寫相仍故誤作言觀注義亦全不作言字釋也比九五象曰矢前禽舍逆取順也今本誤倒其句首亨不利有攸往今本不字誤作小字剛柔交錯天文也文明以止人文也注云剛柔交錯而成文鳥天之文也今本脫剛柔交錯一句坎卦習坎上脫坎

字始九四包失魚注二有其魚故失之也今本誤作死  
魚蹇九三往蹇來正今本作來反困初六象曰入于幽  
谷不明也今本谷字下多幽字鼎彖聖人亨以享上帝  
以養聖賢注云聖人用之上以享上帝而下以養聖賢  
今本正文多而大亨三字故注文亦誤增大亨二字震  
彖曰不喪匕鬯出可以守宗廟社稷以為祭主也今本  
脫不喪匕鬯一句漸象曰君子以居賢德善風俗注云  
賢德以止巽則居風俗以止巽乃善今本正文脫風字  
豐九四象邁其夷主吉志行也今文脫志字中孚彖豚  
魚吉信及也今本及字下多豚魚二字小過彖柔得中  
是以可小事也今本脫可字而事字下誤增吉字六五  
象曰密雲不雨已止也注陽已止下故也今本正文作  
已上故注亦誤作陽已上故止也既濟彖曰既濟亨小  
小者亨也今本脫一小字彖辭二多譽四多懼注云懼  
近也今本誤以近也字為正文而注中又脫懼字雜卦  
蒙稚而著今本雜誤作雜字予頃於福州道藏中見此  
書而傳之及在後省見晁公武所進易解多引用之世  
罕有其書也

其惟聖人乎

乾卦其惟聖人乎魏王肅本作愚人後結句始作聖人

見陸德明釋文

易說卦

易說卦荀爽九家集解乾為木果之下更有四曰為龍  
為車為衣為言坤後有八曰為牝為迷為方為臺為粟  
為黃為帛為漿震後有三曰為王為鶴為鼓巽後有二  
曰為揚為觀坎後有八曰為宮為律為可為棟為叢棘  
為孤為妾為蒸為桎為離後有一曰為牝牛艮後有三曰  
為皇為虎為孤兌後有一曰為常為輔頰注云常西方  
禘也陸德明以其與玉珣本不同故載於釋文案震為  
龍與乾同故虞翻干寶本作龍

元二之災

後漢鄧騭傳拜為大將軍時遭元二之災人士飢荒死  
者相望盜賊羣起四夷侵畔章懷注云元二即元元也  
古書字當再讀者即於上字之下為小二字言此字當  
兩度言之後人不曉遂讀為元二或同之陽九或附之  
百六良由不悟致斯乖舛今岐州石鼓銘凡重言者皆  
為二字明驗也漢碑有楊孟文石門頌云中遭元二西  
夷虐殘孔耽碑云遭元二轆軻人民相食趙明誠金石  
跋云若讀為元元不成文理疑當時自有此語漢注未  
必然也案王充論衡恢國篇云今上嗣位元二之間嘉

德布流三年零陵生芝草四年甘露降五縣五年芝復  
生六年黃龍見蓋章帝時事考之本紀所書建初三年  
以後諸瑞皆同則知所謂元二者謂建初元年二年也  
既稱嘉德布流以致祥瑞其為非災眚之語蓋可決疑  
安帝永初元年二年先零滇羌寇叛郡國地震大水鄧  
騭以二年十一月拜大將軍則知所謂元二者謂永初  
元年二年也凡漢碑重文不皆用小二字豈有范史一  
都唯獨一與如此乎况丞相作諫釋論之甚詳予修國  
史日撰 欽宗紀費用靖康元二之禍實本于此

聖人汗

孟子曰宰我子貢有若智足以知聖人汗不至阿其所  
好趙岐注云三人之智足以識聖人汗下也言三人雖  
小汗不平亦不至於其所好阿私所愛而空譽之詳其  
文義足以識聖人是一句汗下也自是一節蓋以下字  
訓汗也其義明甚而老蘇先生乃作一句讀故作三子  
知聖人汗論謂三子之智不足以及聖人高深幽絕之  
境徒得其下焉耳此說竊謂不然夫謂夫子賢於堯舜  
自生民以來未有可謂大矣猶以為汗下何哉程伊川  
云有若等自能知夫子之道假使汗下必不為阿好而  
言其說正與趙氏合大抵漢人釋經子或省去語助如

鄭氏箋毛詩奄觀銜艾云奄久觀多也蓋以久訓奄以  
多訓觀近者黃啓宗有補禮部韻略於淹字下添奄字  
注云久觀也亦是誤以箋中五字為一句

### 廿卅卅字

今人書二十字為卅三十字為卅四十為卅皆說文本  
字也卅音入二十并也卅音先合反三十之省便古文  
也卅音先立反數名今直以為四十字案秦始皇凡刻  
石頌德之辭皆四字一句泰山辭曰皇帝臨位二十有  
六年琅邪臺頌曰維二十六年皇帝作始之眾頌曰維  
二十九年時在中春東觀頌曰維二十九年皇帝春游  
會稽頌曰德惠修長三十有七年此史記所載每稱年  
者輒五字一句嘗得泰山詞石本乃書為廿有六年想  
其餘皆如是而太史公誤易之或後人傳寫之訛耳其  
實四字句也

### 字省文

今人作字省文以禮為礼以處為処以與為与凡章奏  
及程文書冊之類不敢用然其害甚詭文本字也許叔  
重釋礼字云古文処字云止也得几而止或從處与字  
云賜予也与與同然則當以省文者為正

### 負劬碎耳

曲禮記童子事曰負劔辟叫詔之鄭氏注云負謂置之於背劔謂挾之於旁辟叫詔之謂傾頭與語口旁曰叫歐陽公作其父灑罔阡表云四顧乳者劔決而立于旁正用此義今廬陵石刻由存衢州所刊六一集已得其真武者不曉遂易劔為抱可歎也

### 國初人至誠

真宗時并州謀帥上謂輔臣曰如張齊賢温仲舒皆可任但以其嘗歷樞近或有因辭宜召至中書詢問願往則授之及召二人至齊賢辭以恐為人所讒仲舒曰非敢有辭但在尚書班已十年若得改官端樞賜都部署

添給敢不承命輔臣以聞上曰是皆不欲往也勿彊之王元之自翰林學士以本官刑部郎中知黃州遣其子嘉祐獻書于中書門下以為朝廷設官進退必以禮一失錯置咎在廊廟其一任翰林學士三任制誥舍人以國朝舊事言之或得給事中或得侍郎或為諫議大夫某獨異於斯方去不轉一級與錢穀俗吏混然無別執政不言人將安仰予謂仲舒嘗為二府至於自求遷轉及增請給元之一代剛正名臣至於公移牋書引例乞轉唯其至誠不矯偽故也後之人外為大言避寵辭極而陰有營求失其本真者多矣風俗使然也

史館玉牒所

國朝熙寧以前祕書省無著作局故置史館設修撰並館之職元豐官制行有祕書官則其職歸於監少及著作郎佐矣而紹興中復置史館修撰檢討是與本省為一也宗正寺脩玉牒官亦然官制既行其職歸於卿丞矣而紹興中復差侍從為修牒又以它官兼檢討是與本寺為二也然則今有戶部可別置三司有吏刑部可別置審官審刑院矣又玉牒舊制每十年一進謂甲子歲進書則甲戌甲申歲復然今乃從建隆以來再行補修每及十年則一進以故不過三二年輒一行賞書局

僧賞此最甚焉

釋沙門

寶積經說僧之無行者曰譬如麥田中生稗麥其形似麥不可分別爾時田夫作如是念謂此稗麥盡是好麥後見穞生爾乃知非如是沙門在於衆中似是持戒有德行者施主見時謂盡是沙門而被癡人實非沙門是名稗沙門此喻甚佳而文士鮮曾引用聊志於此

容齋隨筆卷第五

容齋隨筆卷第六十九則

建武中元

成都有漢蜀郡太守何君造尊掇闕碑其末云建武中元二年六月按范史本紀建武止三十一年次年改爲中元直書爲中元元年觀此所刻乃是雖別爲中元猶冠以建武如文景帝中元後元之類也又祭祀志載封禪後赦天下詔明言云以建武三十二年爲建武中元元年東夷倭國傳云建武中元二年來奉貢援據甚明而宋莒公作紀年通譜乃云紀志所載不同必傳寫脫誤學者失於精審以意刪去殆亦不深考耳韓莊斂家



一銅斗銘云新始建國天鳳上戊六年又紹興中郭金州得一鉦銘云新始建國地皇上戊二年按王莽始建國之後改天鳳又改地皇茲二器各冠以始元者自莽之制如此亦猶其改易郡名不常每下詔猶繫其故名之類耳不可用改元爲比也

### 帶職人轉官

紹興中王浚明以右奉直大夫直祕閣乞磨勘吏部擬朝議大夫時相以爲既帶職則朝議奉直爲一等遂超轉中奉其後曾燧踵之紹興末向伯奮亦用此繼而續感復然後省有言不應慕三級自是但得朝議予按故

事官制未行時前行郎中遷少卿有出身得太常無出身司農繼轉光祿即今奉直朝議也自少卿遷大卿監有出身得光祿卿無出身歷司農卿少府監衛尉卿然後至光祿若帶職則自少農以上徑得光卿不涉餘級至有超五資者然則浚明等不爲過蓋昔日職名不輕與人故恩典亦異又自承務郎至奉議詞人但一轉而帶職者乃與餘人同作六階不小異乃有司之失也

### 上下四方

上下四方不可窮竟正雜莊列釋氏之寓言曼衍不能說也列子商湯問於夏革曰上下八方有極盡乎革曰

不知也。揚因問華曰：死則死極，有則有盡，朕何以知之？然死極之外復死，死極死盡之中復死，死盡死極復死，死極死盡復死，死盡朕是以知其死極死盡也，而不知其有極有盡也。焉知天地之表不有大天地者乎？大集經風往何處？曰：風往虛空。又問：虛空為何所住？答言：虛空在於空處。又問：至處復何所住？答言：至處何所住者不可宣說。何以故？遠離一切諸處所故。一切處所所不攝，故非數非稱不可量。故是故至處無有住處。一家之說如是而已。

魏相蕭望之

趙廣漢之死由魏相韓延壽之死由蕭望之。魏蕭賢公卿也，忍以其私唱二材臣於死地乎？楊惲坐語言怨望而廷尉當以為大逆不道，以其時考之，乃于定國也。史稱定國為廷尉，民自以不寬，豈其然乎？宣帝治尚嚴而三人者又從而輔翼之，為可恨也。

姓氏不可考

姓氏所出後世茫不可考，不過證以史傳，然要為難曉。白姚虞唐杜姜田范劉之外，餘蓋紛然難出。且以左傳言之，申氏出於四岳，周有申伯，然鄭有申侯，楚有申舟，又有申公巫臣，魯有申繆，申裒，晉有申書，齊有申鮮。

虞賈氏姬姓之國以國氏然晉有賈華又狐射姑亦曰  
賈季魯有賈舉黃氏蘇姓之國然金天氏之後又有沈  
姒季黃之黃晉有黃淵孔氏出於商孔子其後也然衛  
有孔達宋有孔父鄭有孔叔陳有孔寧齊有孔題而鄭  
子孔之孫又為孔張高氏出於齊然子尾之後又為高  
彊鄭有高克宋有高哀國氏亦出於齊然邢有國子鄭  
子國之孫又為國參晉有慶鄭齊有慶克陳有慶虎衛  
有石碛齊有石之紛如鄭有石彘周有石尚宋有石彊  
晉有陽處父楚有陽巧魯有陽虎孫氏出於衛而楚有  
叔敖齊有孫書吳有孫武郭氏出於魏而晉有郭偃齊

有郭最又有劫謂郭公者千載之下遙遙世祚將安所  
質宰乎

畏無難

聖人不畏多難而畏無難故曰惟有道之主能持勝使  
秦不并六國二世未亡隋才一天下服四夷煬帝不亡  
符堅不平涼取蜀滅燕尊代則無肥水之後唐莊宗不  
滅梁下蜀則無嗣源之禍李景不取閩并楚則無淮南  
之失

綠竹青青

毛公解衛詩淇奧分綠竹為二物曰綠王芻也竹篇竹